

Quality Sound
Gilbert "Dibo" Doran
Gilbert "Dibo" Doran

Letra Kentadó Mayó 2024



Kòrsou a bona

Sheromé Pleter-Petronia

(NOOT: Koro ta rechts/kanta ta links)

Ta ku grasia di ariba nos lo kanta'we
Ta ku grasia di ariba nos lo selebré
Tur ruman ban wapa huntutu...

-Kanta'we
-Selebré
-Paso Kòrsou a bona'we

Hisa, hisa bo man ariba i kanta
Tin kosécha i abundansia
Ku amor nos tur a planta
Nos ta ba na rudia, koba, pidi p'e 2X

-Kòrsou a bona
-Kòrsou a bona
-Kòrsou a bona
-Kòrsou a bona

Kòrsou kunúku luchadó
Ku no tin miedu pa sodó kita fo'i nos frenta, pipitá abou na suela
Ta'we sekúra a pèrdè forsa, tákinan a kohe forma
Mira ránka di Pampuna ta prònk den solo i topa luna
Tur ser a bini huntutu ora tempu a bira brutu
Nos un kologá sombré, tanten un mira manisé

-Shon Grandi a 'ne

Tempu duru a siña nos, bisti sambarku pa bai mondi

-Shon Grandi a 'ne

Nos a planta ku fe, pa Kòrsou por bona'we

Hisa, hisa bo man ariba i kanta
Tin kosécha i abundansia
Ku amor nos tur a planta
Nos ta ba na rudia, koba, pidi p'e 2X

-Kòrsou a bona
-Kòrsou a bona
-Kòrsou a bona
-Kòrsou a bona

Laga chapi zona, tende kueru ronka
Kachu anunsia ku Kòrsou a bona



Ay Kòrsou bo ta	-Bon boná
Tur kunúku a keda	-Bon boná
Bendishon a bin dja'riba	-Bon boná
Suela a haña bida	-Bon boná
Awooo yega serka ban wapa	-Bon boná
Awooo yega serka bin djòdjò	-Bon boná
Tur bagás a bira sas	-Bon boná
No tin sekúra mas	-Bon boná
Kunúku a floresé	-Bon boná
Kòrsou a bona'we	-Bon boná
Bin ku bo makútu	-Bon boná
Wapa kanta huntu	-Bon boná
Ku mannan ariba	-Bon boná
Ku grasia dja'riba 2X	-Bon boná

E la bin dja'riba 4X
Kanté, ban kanté
Gradisí, ban gradisié

Yega serka kanté, wapa selebré
Yega serka kanté, wapa selebré 2X

FIN

**Nifikashón di palabra: - Sambarku : Sandalia trahá di tayer i kueru di baka. -
Shon Grandi: E ser suprémó ; Señor nos Dios**

Nifikashón di e Seú:

**Kòrsou semper a sa di prevalesé den tempunan duru. Nunka nos a laga pa
trabou duru spanta nos. Ku grasia di e ser supremo semper nos a sa di bini
huntu i pone man na obra. Ku na final di e mal tempu i trabou duru semper
ta tin bon resultado: Kòrsou a bona pa nos tin kosécha!**